

## Stáhtaráđi ásaħus

### ealliguovdasaš doarjagis, mii máksojuvvo boazodoallojagis 2017/2018

Stáhtaráđi mearrádusa mielde mearriduvvo eana- ja šaddogárdedoalu riikkadási doarjagiid birra addojuvvon lága (1559/2001) 4 §:a 2 momeantta ja 14 §:a 3 momeantta vuodul:

#### 1 §

##### *Heivehansuorgi*

Dán ásaħusas mearriduvvo dan ealliguovdasaš doarjagis, mii máksojuvvo boazoeaiggádiida stáhta bušeahas jahká 2017 eana- ja šaddogárdedoalu riikkadási doarjagii čujuhuvvon ruđain boazodoallolágas (848/1990) oaivvilduvvon boazodoallojagis 2017/2018.

#### 2 §

##### *Doarjaga ohcan*

Doarjja máksojuvvo eanadoalu doarjagiid doarjjaguovlluid ja daid suologuovlun lohkojuvvon oasseguovlluid birra addojuvvon stáhtaráđi ásaħusa (5/2015) čuvvosis I oaivvilduvvon guovlluin C3 ja C4 bohccuiguin bargi, eana- ja šaddogárdedoalu riikkadási doarjagiid birra addojuvvon lága (1559/2001) 14 §:a 1 momeanttasoaivvilduvvon ohcciide. Dállodoallun gehččojuvvo maiddá juogekeahas jápminbeassi.

Doarjaga oažžuma eaktun lea dat, ahte doarjjaoažžu merke bajás iežas jođihan boazodoalu boađuid ja goluid.

#### 3 §

##### *Doarjjadohkálaš ealihanbohccot*

Doarjaga sáhtta oažžut, jos dálldollui gullevaš olbmot oamastit boazologahallamiid mielde boazodoallojagi loahpas uhcimustá 80 ealihanbohcco, nugo boazodoallolága 5 §:a 2 čuoggás oaivvilduvvo.

Doarjagii vuoigadahtti bohccuid oamastanvuoigatvuohta ja lohku vuodđduvvet boazodoallojagis 2016/2017 dahkkojuvvon boazologahallamii. Boazodoallojagi 2016/2017 áigge dahkkojuvvon boazogávppit sáhttet váldojuvvet vuhtii doarjaga mieđihettiin.

Doarjja ii máksojuvvo dakko bokte go ealihanbohccuid mearri manná badjel bálgošiid dahje daid osolaččaide mearriduvvon alimus lobálaš ealihanboazologuid. Jos bálgoša ealihanboazolohku manná badjel bálgošiid mearriduvvon alimus lobálaš ealihanboazologu, de dálldoaluid doarjjadohkálaš ealihanbohccuid lohku geahpeduvvo liigebohccuid hárrái seamma gori mielde go dálldoalut oamastit ealihanbohccuid bálgošis. Jos ealihanboazolohku báhcá uhcibun go 1 momeanttas mearriduvvo, de dálldollui sáhtta liikká mieđihuvvot doarjja daid loahppaealihanbohccuid logu vuodul, jos dálldoalus leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo dain ealihanbohccuin, maid osolaš livččii galgan bálgoša dohkkehan jahkásaš njuovvanplánaid mielde njuovvat. Jos dálldoalu ovdalis oaivvilduvvon njuovakeah-

tes bohccuid lohku lea badjel golbma proseantta ealihanboazologus, de doarjja ii máksojuvvo dálldollui ollege.

4 §

*Doarjaga mearri*

Doarjaga mearri lea eanemustá 28,50 euro ealihanbohccos.

5 §

*Fápmuiboahhtin*

Dát ásahus boahhtá fápmui geassemánu 14 beaivve 2017.

Helssegis geassemánu 8 beaivve 2017

Eana- ja meahccedoallooministtar Jari Leppä

Boarráset hálddahuščáli Juha Vanhatalo